

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málgagn Kommúnistaflokks Íslands/Marxista-Lenínista

4. tbl.

Þriðjudagurinn 23. janúar 1979

8. árgangur

verð kr. 100.-

LOFORD RÍKISSTJÓRNARINNAR ERU ÓKEYPIS- en efndirnar þarf að kaupa!

Ríkisstjórnin lofaði að samningar skyldu í gildi og að þá ætti að virða.

Hún lofaði einnig að veita BSRB fullan verkfallsrétt.

Nú standa málin þannig að til að BSRB fái smáviðbót við verkfallsrétt sinn þurfa ríkisstarfsmenn að afsala sér umsaminni kauphækkun sem á að koma til framkvæmda 1. apríl n.k.

Auk þess voru samningarnir aldrei settir í gildi að fullu.

Nýjasta tilboð ríkisstjórnar innar gekk í þá átt að samningstíminn skyldi óbundinn og kjaranefnd (sem endanlega úrskurðar um sérkröfur) lögð niður en þess í stað félli niður umsamin 3% kaup-

hækkun 1. apríl n.k. Þannig ætla ríkisstjórnin í fyrsta lagi ekki að veita fullan verkfallsrétt og í öðru lagi að láta þennan litla réttindaauka kosta 3% af kaupi opinberra starfsmanna.

Einnig gengur hugmynd ríkisstjórnarinnar út á það að aðalsamninganefnd BSRB semji um sérkröfur félaganna.

Hvað þýðir þetta?

Í fyrsta lagi þýðir þetta það að ríkisstjórnin getur skert kaup 1. apríl auk vísitöluskerðinga og haldið því fram að hún hafi gert það "eftir samráði við launþega". "Samráðið" þýðir nefnilega það eitt að fulltrúar ríkis-

stjórnarflokka innar stjórna stéttarfélaganna "láta" samþykkja kjaraskerðingu.


Í öðru lagi stóreykur þetta miðstjórnarvald innar BSRB þar sem stjórn og samninganefnd samtakanna fengi í sínar hendur samningsrétt í aðal- og sérkröfum. Að sama skapi minnkar þetta lýðræðislega uppbyggingu BSRB. Aðildarfélagin verða nánast starfslaus þar sem kjaramál verða að langmestu utan þeirra verkahringa.

Ríkisstjórnin er að reyna

að koma á nk. ASÍ eða VSÍ skipulagi á BSRB, þar sem fæinir menn taka ákvarðanir í nafni fjöldans. Þessir fæinu menn eru einmitt framámenn í flokkunum, einum Alþýðubandalaginu.

Opinberir starfsmenn verða að vera á varðbergi gagnvart því makki sem nú fer fram milli forystumanna BSRB og ríkisstjórnarinnar.

Hér er ekki aðeins um að ræða stundarhagsmunir heldur og spurninguna um skipulag samtakanna og samningsréttinn.



Nýju húsin á samyrkjubúinu í Kandal Stung héraðinu eru einföld, aðlaðandi timburhús sem hafa risið í þúsundtali víðs vegar um Kambódíu á tímabili stjórnar Pol Pots. Húsin eru hönnuð með tilliti til náttúrulegra aðstæðna hverju sinni og staðsett þar sem lífsbjargir er að hafa fyrir kamputseönsku þjóðina. Lífsskilyrðum fólksins er ekki saman að jafna við það sem áður var.

Víetnam burt úr Kamputsea!

Það er greinilegt á viðbrögðum út um allan heim að almenningssálitið er sterkt gegn innrás víetnama.

Blöð, stjórnmalaflokkar og ríkisstjórnir um allan heim hafa fordæmt innrásina. Raunar er miklu auðveldara að hafa tölu á þeim sem styðja innrásina.

Fyrir utan Sovétríkin og Víetnam eru það Austur-Evrópuríki nema Rúmenía, Kúba og fæin önnur sem eru undir handarjaðri sovésku heimsvaldastefnunnar. Að auki eru moskvusinnaðir "kommúnistaflokkar" í Evrópu á bandi innrásarliðsins. Til dæmis hefur franskir "kommúnista-

flokkurinn" stutt innrásina og þannig kynnt sig sem þjón Moskvu. Auk þessara styðja að sjálfsögðu trotskístar, hérlandis og erlendis, heimsvaldaáform Sovétríkjanna.

Mótmæli á Íslandi.

Andstaða og mótmæli gegn innrásinni hafa einnig verið hér á landi. Samtök Marxlenínista á Íslandi, Kommúnistaflokkur Íslands og EIK, hafa harðlega fordæmt innrásina og bent á hlutverk víetnama sem handbendi sovésku heimsvaldasinnanna.

Alþýðubandalagið þorir hins vegar í hvorugan fótinn að stíga. Þeir, eins og Örn Ólafsson fyrrv. formaður Víetnamnefndarinnar, vilja helst vera "hlutlausir" í þessu máli. Örn Ólafsson ber fyrir sig upplýsingaskort en Þjóðviljinn býður upp á vangaveltur um það hvort innrásin hafi verið "góð eða vond".

Þjóðviljinn tekur síðan undir árásirnar á Pol Pot-stjórnina og leggur þannig sitt af mörkum til að réttlæta innrásina eins og víetnamar og sovétmenn gera.

Ef Þjóðviljinn mélnar þetta

Framhald á síðu 3

Starfsstúlkur: Fleiri gera kröfur

Verfall starfsstúlkna við sjúkrahúsið á Akranesi hefur vakið mikla athygli meðal annara starfsstúlkna. Strax og fréttist um þann árangur sem þar náðist, felldu starfsstúlkur í Vestmannaeyjum nýgert samkomulag við sjúkrahúsið þar. Munu þær taka upp kröfur sínar á ný með hliðsjón af samkomulaginu á Akranesi.

Umræður eru víðast miklar meðal starfsstúlkna á sjúkrahúsum og eru bæði þær og ýmis verkalyðsfélög farin að hugsa sér til hreyfings.

Hvað gerir Sókn?

Athygli vakti að engin stuðningsyfirlýsing barst frá Sókn meðan á verfallinu stóð. Að samningunum loknum koma hins vegar yfirlýsingar Aðal heiðar um að misréttið hafi ekki verið að fullu afnumið með þessu, en að því beri auðvitað að stefna og sé Sókn nú að "hugsa" málin.

"Hugsun" Sóknar hefur fram til þessa ekki náð til framkvæmda. Forystan hefur grátið opinberlega yfir óréttlæti því sem lágaunakonur búi við en staðið gegn hverri viðleitni til baráttu. Hingað til hefur Sókn t.d. ekki tekið þátt í verkföllum.

Nýlega samdi Sókn um hærri vaktalag. Sá samningur mætti harðri andstöðu starfsstúlkna sem töldu hann ganga allt of skammt. Þá fullyrti forystan að meiru væri ekki hægt að ná og afboðaði verfall sem samþykkt hafði verið til stuðnings kröfum kvennanna.

Konurnar á Akranesi hafa lýst yfir að við næstu heildarsamninga muni þær ná því fram sem á vantar nú að þær fái kröfum sínum fullnægt.

Ef stjórn Sóknar fær til þess frið, bendir allt til þess að hún ætli að bíða með allar að-

gerðir fram til þess tíma. Þangað til mun hún láta sér nægja gamalkunnugt málæði. Ætla Sókn að láta önnur félög um baráttuna og fleyta svo rjómann af samningum þeirra? Eða ætla Sókn sem stærsta félag starfsstúlkna að beita mætti sínum til að ná fram kröfunum?

Eitt er víst, til þess að viðunandi samningar náist verða starfsstúlkurnar sjálfar að beita þrýstingi og sjá til þess með hörku að kröfurnar náist fram.

Við hverju var að búast?

Verkalyðsfélagið á Akranesi stóð sig betur en önnur verka lýðsfélög hafa gert. Það hefur getað staðið sig betur, en var við því að búast?

Verkalyðshreyfingin hefur verið í algerri ládeyðu mörg undanfarin ár. Það er því ekki við því að búast að eitt félag breyti þar allt í einu um og taki upp ósveigjanlega baráttu. Það sem gerðist á Akranesi er spor í rétta átt og því verður að halda áfram. Það tekur tíma að þjálfa upp nýjar baráttu aðferðir og einöðrvirkalyðsbarátta er jú nýmæli í verkalyðshreyfingunni eins og ástætt er fyrir henni nú.

Harðar aðgerðir mæta nú mótspyrnu frá verkalyðsaðilnum og óvirkri samstöðu frá verka fólki sem hefur ekki reynt þær í verki árum saman og veit því ekki á hverju það á von.

Það þarf að vinna einarðri verklyðsbaráttu hefð hér. Einhverjir verða að vera fyrstir til þess. Röðurinn verður erfiður í fyrstu hörðu aðgerðunum en verkafólk má ekki láta það hræða sig frá baráttu. Rolugangurinn hefur sýnt sig í að skila aðeins ósigri. Næst er að láta reyna á samtakamáttinn og knýja málin í gegn.

LEIDARI

Verkalýðsstéttin borgar verðbólgugróða auðvaldsins

Hin svokallaða vinstri stjórnn hefur nú hafið mikla sparnaðarherferð til þess að berjast gegn verðbólgunni eftir því sem okkur er sagt. En hverjar eru afleiðingar þessarar stefnu fyrir verkalýðinn og atvinnuöryggi okkar?

Dregið hefur verið út öllum framkvæmdum á vegum ríkisins jafnframt því sem allar álögur eru stórlæg hækkaðar, skattar og opinber gjöld.

Þetta hefur haft þegar það í för með sér að framkvæmdir hafa minnkað og atvinnuleysi hefur töluvert aukist. Vinstri stjórnnin eykur álögur á launþegum og stendur að skerðingu á atvinnumöguleikum, en engin árangur hefur náðst í baráttunni gegn verðbólgunni.

Efnahagsráðstafanir ríkisstjórnarinnar beinast ekki gegn verðbólgunni þær eru bein árás á kjör og lífsafkomu launþega og þjóna eingöngu stórum auðfélögum, sem ein fá þá fyrirgreiðslu sem þau þurfa.

Allar líkur eru á því að þessar ráðstafanir verði til þess að draga enn meir úr atvinnumöguleikum smáfyrirtækja og gera auðvaldinu auðveldar að halda niðri launinum vegna aukins atvinnuleysis.

Það verður því ekki annað sagt en þessar ráðstafanir séu árás á kjör og lífsafkomu launþega, stórkapitalistum til hagsbóta í þeirri óðaverðbólgu sem nú ríkir. Verkalýð hlýtur að mótmæla slíkri stefnu og heimta raunhæfar aðgerðir í baráttunni gegn verðbólgunni. Þær ráðstafanir verða einnig að tryggja fulla atvinnu.

Þær ráðstafanir sem nú er verið að gera eru gerðar til að vernda gróða stórfyrirtækja og auðfursta. Þessu verður að breyta með því að skattleggja gróða stórfyrirtækjanna og fjármálaþrasara. Auknar skattalagningar launþega verður að stöðva og allar verðhækkningar verða að vera undir ströngu eftirliti, sem ekki leyfir kapitalistum að velta hækkunum sjálfkrafa út í verðlagið.

Sú sjálfvirkni sem hér hefur ríkt í verðlagsmálum er algjörlega óviðunandi og meginástæðan fyrir þeirri óðaverðbólgu, sem hér ríkir.

Verkalýðsfélögin verða að setja fram kröfuna um að auðvaldið verði látið borga eigin kreppu, sem efnahagskerfið á nú í. Einnig að engar ráðstafanir verði gerðar sem stuðla að atvinnuleysi. Ef þetta verður ekki gert eru allar líkur á því að innan ekki langs tíma verði hér atvinnuleysi í svo miklum mæli að það hafi mjög alvarlegar afleiðingar fyrir verkalýð og aðra launþega.

Launþegar geta greinilega ekki lagt traust sitt á vinstri stjórnnina. Það eru aðeins verkalýðsfélögin sem fær eru um að hrinda slíkri stefnu í framkvæmd



Óreigar og kúgaðir þjóðir heims sameinast!

Stéttabaráttan

STÉTTABARÁTTAN - VIKULEGT
MÁLGAÐN KOMMUNISTAFLOKKS
ÍSLANDS/ML.

Ársáskrift: 3500 kr.
Hálfsárs: 1800 kr.
Ársfjórðungs: 1000 kr.
Baráttuáskr.: 5000 kr.

Lesið og breiðið út blað verkalýðsins
- STÉTTABARÁTTUNA.

Vilt þú fylgjast með baráttu verkalýðs-
stéttarinnar á Íslandi og um alla ver-
öld?

Þá lest þú STÉTTABARÁTTUNA
- eina kommúnísku vikublaðið á
Íslandi.

Vilt þú fylgjast með vexti kommún-
ísku hreyfingarinnar á Íslandi?

Þá kaupir þú STÉTTABARÁTTUNA
- eina kommúnísku vikublaðið á
Íslandi.

RAUDUR VETT VANGUR
frá lesendum

RAUDUR VETT VANGUR
frá lesendum

Lesandabréf

Í Stéttabaráttunni 10.1.79
er grein um réttindi ófrískra
kvenna. Þetta er mjög þörf
grein og ég vil þakka Stétta-
baráttunni fyrir hana.

Það sem þarna var dregið
fram í dagsljósið varðandi
fæðingarorlofið og misréttið
og svínarífið í kring um það
voru orð í tíma töluð.

En það var eitt sem mér
fannst vanta. Það er rétt að
allar konur ættu að hafa rétt
á 6 mánaða fæðingarorlofi.
Það er ekki til of mikils
mælt. Hins vegar fannst
mér eitt gleymast og það er
að konur eiga börnin ekki
einar. Karlmennt ættu líka
að eiga rétt á að fá frí þegar
fjölgar í fjölskyldunni. Því
oft er erfitt fyrir konuna að
vera ein með barnið eða

börnin fyrst eftir fæðinguna.
Margar ástæður geta legið
til þess, s.s. erfið fæðing
eða veikindi móður eða
barns. Svo er það þannig
t.d. hjá ríkisspítölunum að
kona sem fer í fæðingarfrí
og á börn á barnaheimili
missir dagheimilisplássið
þegar hún byrjar í fríinu.

Þetta er algerlega ófært,
bæði er þetta álag á konuna
og veldur líka óþarfa röskun
fyrir börnin. En þetta er
líka lúmsk aðferð til að
hræða konur frá að "hruga
niður börnum", að skerða
atvinnuöryggi þeirra í refs-
ingarskyni.

Oft getur það líka verið
hagstæðara fyrir foreldrana
að skipta fæðingarorlofinu
milli sín (þ.e. ef um 6 mán.

Kjaraskerðing BHM-manna

Í fréttabréfi BHM (bandalags
háskólamanna) er að finna
skrá yfir kaupránið s.l. ár
miðað við 5 valda launaflokka.

Vegna vísitölupaksins hefur
kaupránið þarna verið tölu-
vert mikið.
Gaman væri ef forysta ASÍ

eða BSRB gæfu út samskonar
tölur fyrir þá launþega.
En greinin og taflan úr fréttu
bréfi BHM er birt hér.

KAUPRÁNIÐ

Með aðgerðum ríkisstjórnarinnar vegna launahækkana 1. desember
s.l. var enn gengið freklega á hlut launþega, og þá sérstaklega
ríkisstarfsmanna í BHM. Framlenging vísitölupaksins veldur sífellt
meira óréttlæti, þar sem ríkið mun nánast vera eini vinnuveitandinn,
sem tekur mark á því. Hjá Reykjavíkurborg verður það t.d. afnumið
frá og með 1. janúar 1979. Flest stærri bæjarfélög landsins munu
hafa sama hátt á og Reykjavíkurborg eða hafa jafnvel tekið samninginn
í gildi fyrr.

Auk vísitölupaksins voru verðbætur skertar 1. desember s.l.
vegna félagslegra umbóta, sem áttu að metast sem 3% í launum, og
vegna skattalækkunar, sem átti að metast sem 2% í launum. Fram til
þessa hefur félagsmönnum BHM ekki verið boðið upp á neinar félags-
legar umbætur. Skerðing verðbóta vegna þeirra er því hreint kaup-
rán. Skattalækkunarinnar munu sennilegar mjög fáir félagsmenn BHM
njóta. Skerðing verðbóta vegna hennar er því að stærstum hluta
hreint kauprán.

Verðbætur voru einnig skertar með auknum niðurgreiðslum í sept-
ember (8%) og desember (3%).

Sé ekki litið á skerðingu verðbóta vegna aukinna niðurgreiðslna
sem kjaraskerðingu, er kjaraskerðingin eftirfarandi í einstökum
launaflokkum:

	Lf1.105	Lf1.110	Lf1.112	Lf1.114	Lf1.117
Sept.	0	2,9%	4,1%	5,3%	7,6%
Des.	4,5%	7,9%	9,4%	10,7%	12,3%

Kaupránið 1978.

Lf1.	Mars.	Apríl.	Mai.	Júní.	Júlí.	Agúst.	Sept.	Okt.	Nóv.	Des.	Santals.
105	10þús	10þús	10þús	20þús	20þús	20þús	0	0	0	13þús	103 þús.
110	12þús	12þús	12þús	30þús	30þús	30þús	9þús	9þús	9þús	27þús	180 þús.
112	13þús	13þús	13þús	33þús	33þús	33þús	14þús	14þús	14þús	35þús	215 þús.
114	14þús	14þús	14þús	36þús	36þús	36þús	19þús	19þús	19þús	43þús	250 þús.
117	16þús	16þús	16þús	39þús	39þús	39þús	26þús	26þús	26þús	54þús	297 þús.

Hve mikið verður kaupránið 1979?

Lf1.	Jan.	Febr.	Mars.	Apr.	Mai.	Júní.	Júlí.	Ag.	Sept.	Okt.	Nóv.	Des.	Santals.
105	13þús	13þús	?	?	?	?	?	?	?	?	?	?	?
110	27þús	27þús	?	?	?	?	?	?	?	?	?	?	?
112	35þús	35þús	?	?	?	?	?	?	?	?	?	?	?
114	43þús	43þús	?	?	?	?	?	?	?	?	?	?	?
117	54þús	54þús	?	?	?	?	?	?	?	?	?	?	?

HAFIÐ SAMBAND VIÐ KOMMUNISTAFLOKK ÍSLANDS M-L

Miðstjórn og ritstjórn
Stéttabaráttunnar: sími
27810 og pósthólf 1357 121 R.
einnig í Rauðu Stjórnnunni
bókabúð, Lindargötu 15,
opið mánud. - föstud.
kl. 16:00 - 18:30.

HELLISSANDUR
Sigfús Almarsson
Hellisbraut 10.

HÖRNARFJÖRÐUR
Margrét Einarsdóttir
Silfurbraut 2

HAFNARFJÖRÐUR
Fjola Rögnvaldsdóttir
Reykjavíkurborg 24.

AKUREYRI
Jón Atli Játvarðsson
Skarðshlíð 30.

KEFLAVÍK
Einar Jónsson
Sólvalldagötu 40c.

SVÍÐJÖÐ
Kristján L. Guðlaugsson
Kánnarsvægen 11 N:220
222 46 LUND

Úr skýrslu CIA: Kampútsea og PolPot

Góð aðferð til að afsanna lygar er að vitna í fram-
burð lygarans og rannsaka röksemdir hans. Banda-
ríska blaðið The Call, málagn kommúnistaflokks
Bandaríkjanna, beitti þessari aðferð gegn lygum
Bandaríkjastjórnar um Kampucheá áður en víetnam-
ar réðust inn í landið.

Blaðamenn The Call komust yfir nýlega skýrslu
stjórnarinnar um nýfrjálsu ríkin í Suðaustur-Asíu.
Innifalið í þessari skýrslu voru frásagnir flóttam-
anna, njónsara CIA í Suðaustur-Asíu og sendiráðs
fólks USA í Thailandi.

Í skýrslunum eru allskyns
lygar, lausafréttir og gróu-
sögur settar fram sem algild-
ur sannleikur enda er sá til-
gangur þeirra. En þrátt fyrir
það neyðast starfsmenn CIA
til að segja frá og virða árang-
ur Kampucheamanna á sviði.
landbúnaðar, efnahagslegrar
uppbyggingar, heilsugæslu og
velferðar íbúanna auk annars.

Skýrsla frá 31. mars 1976:

"Við neyðumst til að víður-
kenna undrun okkar vegna
ríkulegrar uppskeru í Kamp-
ucheá. Samt var margt sem

gerði landbúnaði erfitt fyrir,
svo sem rigningar og flóð,
margir akrar eru ræktaðir í
fyrsta sinn í mörg ár, fyrr-
verandi borgarbúar eru illa
vanir þessari vinnu og skortur
á áburði. . ."

Þessi skýrsla var samín síðar

"Í þorpi nálægt Samrong
reyndi fólk í fyrri að fá þrjár
uppskerur sama ár. . . og
nú er þetta fólk í þeirri óþægi-
legu aðstöðu að þurfa að skera
upp og planta hrísgrjónajurt-
um samtímis." Þessi stórkost-
legi árangur meðal annars

gerði Pol Pot stjórninni kleift
að brauðfæða alla landsmenn.
Íslenska ríkisútvarpið og
ýmsir miðir og stærri spá-
menn íhaldsins, svo sem Elín
Pálmadóttir héldu sig hins
veggar við lygasögurnar sem
frúin lærði í Thailandi.

Skýrsla frá 21. september '76:

"Allskyns verksmiðjur eru
endurreistar og myllur eru í
notkun í héraðinu Battambang
... járnbrautir eru í notkun".

Í þessari skýrslu er einnig
sagt frá samskiptum milli al-
þýðunnar og félaga, leiðandi
og annarra, í kommúnista-
flokki Kampucheá:

"Venjulega er orðið "mit"
sem þýðir vinur notað í
sam tali KK (Kampuchéanska
kommúnista) og alþýðumanna
í þorpunum. Orðið "mit" hef-
ur leyst orðið félagi af hólmi
... þar sem KK og alþýðu-
menn hafa mikil samskipti
nota þeir annað orð, þ.e.
"bong paon", en það þýðir
bróðir."


Fleiri hlutar skýrslunnar
gengu í þessa átt. Þetta eru
fulltrúar flokksins, ríkisstjór-
narinnar og hersins sem sam-
kvæmt ríkisútvarpinu og frú
Elínu myrtu 2-3 miljónir.
Þeir eru bræður alþýðumanna
í þorpunum.

Næsta tilvitnun lýsir lýðræð-
islegu viðhorfi Byltingarhers-
ins til alþýðunnar.

"Herinn ræktar sín eigin
matvæli til að verða ekki
byrði á fólkinu. Færri en 20
og stundum færri en 10 her-
menn eru skráðir í samyrkju-
búi með allt að 2500 íbúa."

Þannig má sjá að meira að
segja starfsmenn CIA, sem
kalla nú ekki allt ömmu sína,
geta ekki látið frá sér fara
skýrslu ætlaðar til að sverta
Kampucheá og Pol Pot stjórna-
ina án þess að hið sanna komi
í ljós hér og þar.

Samt tekst frú Elínu Pálma
og sumum fréttamönnum út-
varps það.



Kampuchéanskir bændur undirbúa akurinn fyrir sáningu.



Vopnuð barátta gegn einræðinu í Nicaragua

Samkvæmt fréttum Xinhua
frá 6. jan. hafa íbúar Nicar-
agua aftur tekið til við vopnaða
baráttu gegn Sómósa einræðis-
herra.

Bardagar urðu æ ofan í æ
milli fólksins og Þjóðvarðliða
og sprengjur voru sprengdar
í höfuðborginni og auk þess
borgunum Leon, Masaya, Eski
Tipitapa o. fl. Miklar mótmæla
aðgerðir gegn einræðisherr-
anum í mörgum borgum lands-
ins.

Miklir bardagar urðu einnig
milli skæruliða og hersveita
einræðisstjórnarinnar 30.
des. sl. Þeir urðu aðallega
í fjallahéraðinu Achuapa, um
30 kílómetra norður af höfuð-
borginni. Einræðis stjórnin

hefur sent flugvélar til
sprengjuárása á þetta svæði.

Vopnaða baráttan gegn ein-
ræðisstjórn Sómósa jókst
um og eftir áramótin um leið
og leið að því að ár væri liðið
frá morði Pedro Joaquins
Chamarro. Hann var myrtur
10. jan. 1978 en hann hafði
verið leiðtogi andspyrnunnar
gegn Sómósa. Morðið á Pedro
Chamarro var neistinn sem
kveikti bálið og leiddi til al-
mennrar vopna- og verkfalls-
baráttu gegn Sómósa þótt ein-
ræðisherranum tækist að
brjóta þær aðgerðir á bak
aftur, sýna nýorðin atburðir
að jafnvíst er að aftur mun
hitna kringum hann.

Framhald af forsíðu.

VIETNAM BURT ÚR
KAMPUTSEA:

hvað með slagorðinu um
"málagn þjóðfrelsis" þá hlýt-
ur hann að fordæma innrásina.

Það þarf ekkert að bera
fyrir sig staðreyndaskort.
Staðreyndir málsins eru ein-
faldar. Víetnamar gerðu inn-
rás í Kampucheá og allir
sem vilja að virt sé sjálfstæði
annars ríkis hljóta að for-
dæma slíka innrás, alveg
burtséð frá því hver á í hlut.

Við getum ekki annað en
litið á afstöðu Þjóðviljans sem
stuðning við heimsvaldaáform
Sovétríkjanna. Þjóðviljinn
styður glæpaverk sovésku og
víetnömsku heimsvaldasinn-
anna.

Íhaldspressan.

Íhaldið með Mogga-og Vísis
líðið í broddi fylkingar hefur
fordæmt innrásina.

En fordæming þeirra á
ekki skylt við samúð með
sjálfstæðisbaráttu kúgaðra
þjóða.

Þeir nota tækifærið til árása
á sósíalismann og til stuðnings
við Nató.

Þeir víðurkenna að Sovétrík-
in standi bak við innrásina
og telja að þess vegna eigi að
efla Nató.

Með nákvæmlega sömu rök-
um hefði þá íhlutun Bandarík-
anna í Víetnam og Kampucheá
á sínum tíma átt að leiða til
kröfu um eflingu Varsjárbanda
lagsins.

Afturhaldsmennirnir á Mogg-
anum og Vísí hafa engan áhuga
á sjálfstæði þjóða. Það sem
þeir hafa áhuggjur af er vel-
ferð bandarísku heimsvalda-
stefnunnar. Þess vegna mótmæla
þeir heimsvaldaaðgerð-
um Sovétríkjanna en styðja
samskonar aðgerðir Banda-
ríkjanna.

Yfirgangur sovétmanna get-
ur aldrei táknað það að efla
eigi Nató nema út frá hags-
munum Natós sjálfs.

Þeir sem í raun og veru
ækja friðar verða að berjast
gegn báðum risaveldunum og
styðja baráttu kúgaðra þjóða
gegn þeim.

Falsað skeyti til Öryggisráðs Sp

Sovétmenn gripu til örþrifa-
ráða til að reyna að koma í
veg fyrir að Öryggisráðið fjalli
aði um innrás víetnama í
Kampucheá.

Þeir komu fram í Öryggisráð-
inu með skeyti sem þeir sögðu
vera frá leppstjórn víetnama
í Kampucheá. Í skeytinu voru
fulltrúar í Öryggisráðinu beðn-
ir að bíða með að fjalla um
málið þar til fulltrúi lepp-
stjórnarinnar kæmi til New
York. Að auki var þess kraf-
ist að hann fengi að vera við-
staddur.

Í ljós kom að skeytið var að
vísu skrifað á eyðublað frá
RCA fyrirtækinu, sem hefur
slíkan rekstur á sinni könnu,
en það var útfyllt rangt og á
það vantaði venjulegar útfyll-
ingar.

Fulltrúi RCA lýsti einnig
yfir að beiðni kínvverskra full-

trúa að það væri ekki hægt að
senda skeyti beint frá Phnom
Penh til New York.

Kínverski fulltrúinn ásakaði
síðan rússa um að hafa haft
hönd í bagga með fölsunina.
Þessari ábökun var hvorki
mótmælt af fulltrúa rússa né
víetnama.

Á dögnum var einnig sagt
frá því í Kuwait að rússneski
sendiherrann hefði gengið á
fund utanríkisráðherra Kuwait
og beðið hann um aðstoð við
að fá máli Kampucheá vísað
frá S.Þ. Utanríkisráðherra
svaraði með því að fordæma
innrás víetnama.

Þessar tvær litlu sögur segja
dálítið um starfsaðferðir rúss-
nesku heimsvaldasinnanna.
Þeir forðast opinskáar og
heiðarlegar aðferðir eins og
allir sem hafa eitthvað að
fela.



Kambóðfumenn að störfum út á landsbyggðinni. Hvar eru
nú þeir vopnuðu verðir sem við erum frædd um af hinum
vestrænu fjömiðlum að alls staðar vakti vinnandi fólk í land-
búnaðinum.



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
[4. tbl. 8. árg. 23.1.1979]



STÉTTABARÁTTAN
- kemur út vikulega -
Sími: 27810.
Gíró: 27810-6.

Abyrgðarm: Sigurður
Ingi Andrússon.

Sigurður Jón Ólafsson
Óðinsgötu 17B
101 B

Kúba: Aukin hervæðing

Stjórnvöld á Kúbu eru um þessar mundir að auka almenna hervæðingu landsins, samfara hernaðarbrótti og þjónustu við heimsvaldaáform Sovétríkjanna í Afríku.

Íbúar Kúbu eru aðeins 9 milljónir en samtals eru í hernum 189.000 manns. Af þeim eru 160.000 í almennri herþjónustu, 9000 í sjóhernum og 20.000 í flughernum. Að auki hefur stjórnin annan liðs- auka, svo sem 10.000 öryggis- verði og 3000 landamæraverði.

Meðan um það bil fjórðungur hersins er erlendis, aðallega í Afríku, er stjórnin nú að taka ákvarðanir um stækkun hersins og varaliðsins. Stjórnin reynir að kalla í herinn þegna allt niður í 16 ára gamla auk allra á aldrinum 17 til 55 ára og kvenna á aldrinum 17 til 40 ára sem varalið, tilbúið í bardaga eftir stuttan æfingartíma.

Í júní s.l. ákvað ráðherðanefnd að hefna ólég námskeið skuli haldin í menntaskólum til að þjálfa varaherforingja og liðþjálfara. Svipað er uppi á teningnum í háskólum, auk heræfinga þar. Miðskólar hafa bætt heræfingum og hernaðarfræðum á námsskrá sína.

Einnig er reynt að kenna barnaskólanemendum hugtakið "alþjóðahyggja", þ.e. útgáfu sovésku heimsvaldasinnanna, þannig að þau verði "andlega" betur undir það búin að vinna skítverkin fyrir rússnesku heimsvaldasinnana í framtíðinni.

Æfingarbúðir fyrir þjálfun yfirmanna í hernum hafa verið settar á fót víðsvegar um landið. Herskólum fjölgaði úr 9 í 16 á sl. ári. Einnig hefur verið fjölgað starfsfólki í stjórns töðvum hermála.

Á síðasta ári fóru fram miklar heræfingar. Vopnin sem notuð eru við þessar koma frá Sovétríkjunum. Æfingarnar voru á öllum sviðum hernaðar; sjó- og flughernaðar og allt þar á milli. Að sjálfsögðu var einnig lögð áhersla á fallhlíf- arhermennsku.

Kúbönsk yfirvöld hafa eytt offjár, mannaflí og hráefnum í hernaðarframkvæmdir og skyldar athafnir.

Fjölmíðlar þar segja að undir stjórn sovéskra sérfræðinga og ráðgjafa hafi hernaðarleg uppbygging á öllum sviðum stöðukist. Þar á meðal eru fleiri herflugvællir, hafnir fyrir herskip, hraðbrautir og



Kúba byggir efnahag sinn nær eingöngu á útflutningi á sykri. Það hefur orðið ein meginastaða þess hve landið er efnahagslega og pólitískt háð helsta viðskiptalandi sínu sem er Sovétríkin.

járnbrautarlestir. Einnig aðstaða til að setja saman og gera við herflugvélar, skriðdreka, herskip og allskyns skotvopn. Kúbanska blaðið Verde Olive hvatti í október til þess sem kallað var: Að setja efnahagslífið á gangstig hernaðarundirbúnings. Verksmiðjur eiga að vera tækni- lega tilbúnar til að sinna þörfum hersins.

Hernaðarbrótt kúbana erlendis, sem framkvæmt er að skipun sovésku heimsvaldasinnanna, og stórlega aukin hervæðing efnahagslífsins hefur leitt til ójafnaðar fyrir kúbanska alþýðu. Til dæmis er vart við vöruskort sem gerir líf fólksins verra.

Þrátt fyrir það hvatti Fidel Kastró almenning í ræðu nýlega til að færa "fórnir" og herða sultarólanar.

Ög allt þetta á kúbönsk alþýða að gera til að Sovétríkin nái fremur fram heimsvaldaáformum sínum.

Þessi kúbanska hervæðing sýnir okkur að stríðshættan, hættan á þriðju heimsstyrjöldinni, er meira en orðin tóm.

HVER STJÓRNAR BSRB- Alþýðubandalagið eða fulltrúar launþega?

Í desember s.l. tók forysta BSRB þegjandi við "almennum félagslegum réttindum", sem raunar hafa komið fram sem skattahækkunir, í stað 8% vísitöluhækkana.

Þá var það líka stefna Alþýðubandalagsins að verðbætur yrðu aðeins 6,1% í stað 14,1%.

Væntanlega þýðir þetta að formaðurinn á við að þrátt fyrir "félagslegar umbætur" 1. des. hafi verið um vísitöluskerðingu að ræða.

Þetta er út af fyrir sig gott og blessað. Batnandi mönnum er best að lifa.

Núna hins vegar þegar AB ætlar að berjast gegn hinum flokkunum í ríkisstjórninni og tryggja sig gegn því að tapa atkvæðum, þá bergmála forystumenn launþega stefnu AB.

Stéttabaráttan ítrekar að batnandi mönnum er best að



Ríkisvald "vinstriflokkanna" hefur með samþykki forystumanna stærstu launþegasamtakanna þverbrotið gerða kjarasamninga og það þvert ofan í gefin fyrirheit sín. Lausnir borgara- flokkanna eru alltaf að skerða kjör launafólks. En ætlar nú Kristján Thorlacius formaður BSRB að standa gegn pólitískum ákvörðunum Alþingis og taka upp baráttu fyrir réttindum umþjóðenda sinna? Eða á enn einu sinni að leggja blessun yfir kaupránið?

Nú hefur AB hins vegar snúið við blaðinu og vill knýja fram fullar verðbætur 1. mars.

Þá bregður svo undarlega við að formaður BSRB lætur hafa eftir sér í Vísi: "Að ekki komi til mála að vísitölubætur séu skertar í þriðja sinn".

En er ekki undarlegt hve samhljóma álit AB og forystumanna launþegasamtakanna reynast?

Þegar AB hafði hag af skertri vísitölu þá samþykktu forystumennirnir skerðinguna.

lifa og er vel ef nú á að stefna að fullri vísitölu, þótt ófullkomin sé.

En ef ekki undarlegt að afstaða forystumanna launþega ræðst af afstöðu Alþýðubandalagsins?



Ný lög um húsaleigu

Sú nefnd sem sett var af félagsmálaráðherra á síðasta ári til að endurskoða lög um húsaleigu, hefur nú skilað álit. Helstu atriði þessara laga eru að með þeim er leigjendum ætlað að hafa heinhvern rétt en þeir höfðu engan áður. Í drög- unum hefur nokkuð verið stuð við samsvarandi lög annars staðar á Norðurlöndum.

Skulu hér tilgreind nokkur atriði úr drögum þessum.

Leigutaka er ætlaður réttur til þess að leigja húsnæði áfram ef hann æskir þess, ef leigusali segir honum upp án þess að ætla að nota húsnæðið sjálfur eða fyrir mjög náinn ættingja. Þetta atriði ætti að draga úr þeim geðþóttu- sögnum á leiguhúsnæði er nú þekktist, en slíkar uppsagnir eru vanalega gerðar til þess að þvinga fram hærri leigu.

Annað atriði er að ekki er hægt að segja mönnum upp nema á fardögum sem eru tvisvar á ári. Uppsagnafrestur lengist líka eftir því sem leigjandinn hefur búið þar lengur, enda má þá ætla að það sé honum erfiðara að flytja.

Látum þetta duga um kostina en snúum okkur að því sem miður er í drögum þessum.

Það er þá fyrst og fremst fyrirframgreiðslan. Gert er ráð fyrir í drögum að hún geti verið allt að fjórðungur leigutímabilsins (t.d. tveggja ára samningur gæfi heimild til hálfis árs fyrirframgreiðslu). Einnig er þar fjallað um trygg- ingarfé sem leigjandi leggi fram. Bæði þessi atriði eru með öllu óhæf, ekki síst í okkar verðbólguþjóðfélagi.

Þessi lög eru vissulega fram för þrátt fyrir ýmsa galla. Til að bæta úr þeim og tryggja að hinar jákvæðari hliðar verði meira en aðeins málamynda- réttlæti verður allur fjöldi leigjenda að taka þátt í baráttu sinni.

Leigjendur hafið samband við Leigjendasamtökin og skráið ykkur í starfshópa. Með baráttu fjöldans vinnst sigur á ó- réttlætinu, annars ríkir ranglætið áfram.

Sími Leigjendasamtakanna er 27609 og er opið þar frá kl 13 - 17 virka daga.